

Umusha meyi a kusesuisha nawu bakuabo mukana muebe, umusha meyi a kupambuisha nawu bantu ku mishiku yebe. (4:24)

Muananyi, lama mukenji wa tatuebe, kulekedi diyisha dia mamuebe.
Pawenda, lungenyi alu nelukulombole; pawalala panshi, neluikale mulami webe; pawatabala, neluakule nebe. Bualu bua mukenji udi muinda, diyisha diawu didi munya, kubela kudi ne diyisha kudi njila wa muoyo. Biobi nebikulame ku buteyi bua mukaji munyanguke, ku ludimi lua mukaji wa bende ludi luamba meyi a lubombo. Kusaminyi muoyo ku bulengele buende nansha, yeye kakukuatshi mu buteyi ne kuvinya kua mesu ende. Bua bualu bua mukaji wa ndumba muntu neashale anu ne tshipesa tshia nshima; ne mukaji mubaka udi wenda masandi udi ulemba muoyo wa mushinga mukole wa muntu. Muntu udi mua kuteka kapia mu tshiadi tshiende, bivualu biende kabiya bipia, anyi? (6:20,22-27)

Bualu bua nzubu wende udi upueka too ne ku lufu, njila yende idi ipueka too ne ku bantu bafue ... bua bualu ebu budi bua wewe wende mu njila ya bantu bimpe, bua ulamate biebe kudi njila ya bantu bakane. (2:18-20)

Kuikala ne lumu luimpe kudi kupita kuikala ne bubanji bua bungi buakane, ne kupeta dianyisha kudi kupita kupeta kua tshiamu tshia argent ne tshia or buimpe. (22:1)

Ubatamishile makasa ebe njila, ne njila yebe yonso ikale miludika bimpe. Kusesuki ku tshianza tshia balume anyi kutshianzatshia bakaji; umushedikasa diebeku malu mabi. (4:26-27)

Buakane budi bgtuma tshisamba tshia bantu kumpala, kadi malu mabi adi afuisha bantu bonso bundu. (14:34)

Disanka didi kudi muntu udi utshina malu mabi misangu yonso. Bikala bantu bakane ne disanka, musoko udi mutumbishibue, kadi udi ubutudibua mukana mua bantu babi. (28:14. 11:11)

Diyi dionso dia Nzambi diakutetshibua ne, Didi dia bushuwa; yeye udi ngabu kudi badi banyemena kudiye. (30:5)

© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com

<http://www.33eme-cers.org/>

Meyi A Meji Kudi Bansongalume Ku Mukanda Wa Nsumuinu 1



Nsumuinu ya Solomo, muana wa Davidi, mukelenge wa Isalele: bua bantu bamanye lungenyi ne diyisha, bua bajingulule meyi a meji.

Bua bapete diyisha dia mua kuenza bienzedi bia meji, dia mu buakane, dia mu dikosa diakane dia nsambu, ne dia mu kulumbulula kuakane ... bua kuleja nsongalume meji ne bukole bua kupangidija malu makane. (1:1-4)

Nusungule diyisha diany, kanusungudi tshiamu tshia argent; nusungule lungenyi bu tshintu tshipite tshiamu tshia or wa mushinga mukole buimpe. (8:10)

Ndi munange badi bannanga, bonso badi bankeba ne lukunukunu nebensangane. Biama ne butumbi bidi kundi ... mamuma anyi adi apita or buimpe, mapite or yakulengejabo mu ditanda buimpe; lupetu lundi mpeta ludi lutambatshiamutshia argent tshia mushinga mukole buimpe. Ndi ngenda mu njila wa buakane, mu njila ya kulumbulula kuakane, bua kupesha badi bannanga bupianyi bua biama, bua kuuja bibutshilu biabo tente. (8:17-21)

Ditshina dia Yehowa ntshibangidilu tshia lungenyi; bapote badi bapetula meji ne diyisha. (1:7)

Kutshina Yehowa nkuikala ne malu mabi lukuna. Kudisua, kudibandisha ne nj'ila wa malu mabi, mukana mudi muamba meyi a tshitshu, ndi mbikina. (8:13)

Uyishe muena meji, yeye neikale ne meji mapite a diambedi; uyishe muntu muakane, yeye neadiunde mu lungenyi. Ditshina dia Yehowa ntshibangidilu tshia meji, kumanya Wa Tshijila ndijingulula dia mianda. Bua kundi meme matuku ebe neavulangane, ne bidimu bia muoyo webe nebilepeshibue. (9:9-11)

Ditshina dia Yehowa didi mushimi wa mayi a muoyo, bua kuepuka ku mateyi a lufu. Didi dilombola muntu ku muoyo; udi nadi neashikametalalaa, dikenga kadiena dimukuata. (14:27. 19:23)

Yehowa ... udi unanga muntu udi ulonda buakane. (15:9)

Kuikala ne bintu bibale ne buakane kudi kupita kuikala ne lupetu luvule ne kulumbulula kubi buimpe. (16:8)

Mamuma adi muntu muakane akuama adi mutshi wa muoyo, udi upandisha mioyo ya bakuabo udi ne meji. (11:30)

Buakane budi bulama muntu udi ne mutshima mutoke. (13:6)

Tshiamu tshidibo bidikija natshi bujitu tshia mashimi tshidi tshitondesha Yehowa, kadi bujitu budibo bidikija biakane budi disanka diende. (11:1)

Muntu muakane udi welela muoyo wa tshimuna tshiende meji, kadi mitshima ya bantu babi idi ne lukisu. (12:10)

Biama kabiena bikuatshisha muntu mu dituku dia tshiji tshikole, kadi buakane budi bumupandisha ku lufu. (11:4)

Masankaadi pamutu pa muntu muakane ... udi wenda ne mutshima mutoke kena ne ditshina, kadi udi ukonyangaja njila yende neamanyibue. (10:6,9)

Difutu dia mudimu wa muntu muakane didi dimuvuija muoyo, lupetu ludi muntu mubi upeta ludi lumubueja mu malu mabi. (10:16)

Tshianza tshia mufuba tshidi tshimuvuijamupele, kaditshianzatshia muena disuminyina tshidi tshimuvuija mubanji. (10:4)

Udi udimu budimi buende neikale ne bia kudia bia bungi, kadi udi ulonda malu a patupu neikale ne bupele bua bungi. (28:19)

Muntu udi ulenguluka mu mudimu wende udi muanabo ne mubutudi. (18:9)

Bufuba budi buladika muntu tulu tukole, ne muena bukata neikale ne nzala. (19:15)

Mufuba udi wamba ne, Nyama wa ntambue udi pambelu! Nenshipibue mumisesu! (22:13)

Muntu udi ne lukuka lua lupetu udi ukengesha ba mu nzubu muende, kadi udi ukina mbuejilu neikale ne muoyo. (15:27)

Umvua biebe, muananyi, wikale ne meji; lombola mutshima webe mu njila mululame.

Kuikadi munkatshi mua banu ba maluvu, anyi munkatshi mua bena lumpukusu. Bualu bua mukuatshiki wa maluvu ne muena lumpukusu nebabuele mu bupele. (23:19-21)

Udi udila ne, Ndi ne mulawu nganyi? Udi ne kanyinganyinga nganyi? Udi ne matandu nganyi? Udi utontolola nganyi? Udi ne mputa pambidi kayi wenza bualu nganyi? Udi ne mesu makunze-kunzuu nganyi? Mbadi bashi-kama ku maluvu musangu mule; mbadi baya kuteta maluvu masambakaje. Kutangidi maluvu a mvinyo patshidiwu makunze, padiwu engelela munda mua lupanza, padiwu apueka bitekete pa muminu. Kunshikidilu adi asuma bu nyoka, adi asuma bu nyoka wa mbanvu. (23:29-32)

Bapote badi baseka bua malu mabi, kadi munkatshi mua bantu bakane mudi dinangangana. (14:9)